

中国公共图书馆古籍文献珍本汇刊·史部

明抄本万历起居注



中国公共图书馆古籍文献珍本汇刊·史部


明抄本万历起居注(十二)

全国图书馆文献缩微复制中心

明抄本万历起居注目录（十二）

万历三十年下	一
万历三十一年上	一八七
万历三十一年下	三七九
万历三十二年上	六三五

萬曆三十年



朔



賜輔臣一貫慶拖酒鮓魚各五尾及講官朱國祚等

二員有差

初二日辛酉以

聖母徽號禮成

冊立

冊封告完補

賜元輔一貫銀五十兩綵段二表裏

初四日癸亥恭視

乾清

坤寧宮工程

賜輔臣茶

十三日壬申大學士沈一貫朱廣

奏為

隆恩誤被揣分難承懇乞

聖慈俯容辭免以逭譴戾事昨該吏部接出

勅諭

勅吏部甘肅鎮番等處一月三捷大獲全勝內閣輔

臣殫力運謀忠勲茂著宜特加恩元輔一貫加

少傅兼太子太傅廕一子與做中書舍人還賞

銀五十兩綵段四表裏次輔賡加太子少保廕
一子入監讀書還賞銀四十兩綵段二表裏各
餘官如故俱照新銜給與應得誥命如勅奉行
欽此移到閣臣等不勝感激不勝慚悚竊惟帝
王馭世大權惟茲賞罰賞雖無薪必于有功下
不愛其力而後上不愛其官所以示酬也受者
無所慚而後觀者有所奮尤以昭勸也苟不審
覈其功而濫加于備員尸素之臣或明知其無
功而聊假為體貌優崇之具則
朝廷有誤恩而人心且解體矣今甘肅鎮番等處之

捷臣等何功之有臣等叨居輔弼持文墨議論
徒有帷幄運籌之名曾無發縱指示之實海虜
窺伺驅而出之塞外叅賊盤據虜而殲之穴中
彼中將吏效有其勞臣等安得以會逢之適而
遂貪為己有也

皇上優厚輔臣勳詢故實不靳保傳之崇階與夫延
世之懋賞以畀臣等固聖功王疑惟重之意然
閣臣不預遣賞前約儼然如新而遽爽之何施
面目况此一賞所以酬彼中將士者亦斤斤無
餘溢矣臣等足不涉戰場身不履行陣而蒙受

非常反出其右雖云

皇上有命如天下指目何伏望

俯鑒悃誠

亟收

成命將陞廕誥命等恩並容辭免則釋鶴梁之愧為
榮實多寬負乘之憂為貶尤侈矣臣等無任懇
切祈望之至奉

聖旨甘肅鎮番等處屢捷殊常朕心嘉悅卿等運籌
帷幄協贊勳勩加恩示酬原係異典宜遵成命不
允所辭該部知道

十五日甲戌大學士沈一貫

奏為功賞宜衡悃誠可鑒再懇

聖慈追寢

恩命以存

政體以明素心事頃以甘肅鎮番等功推

恩及臣內省多慚謹與同官臣賡合疏辭免伏奉

聖旨甘肅鎮番等處屢捷殊常朕心嘉悅卿等運籌

帷幄協贊勳勩加恩示酬原係彝典宜遵成命不

允所辭該部知道欽此三復

溫綸增深隕越夫臣之為此辭也非敢循故事修縉

文懷苟得之念而說虛讓之詞緝陳蕪之言以
博

焜煌之命也臣少而受孔子戒曰及其老也戒之在
得臣今老矣苟得之戒正在今日亦嘗誦疏廣
之言曰知足不辱知止不殆臣今足矣殆辱之
戒亦在今日能薄而取盈橫賜而逆受炯炯明
訓其謂之何賞罰自天子出謂之大權權者所
皇土以稱量輕重而施之使無失也非其任不得予
非其人不可予

上過而予之

主恩也下過而受之臣罪也去年府江之捷加
恩於臣臣五疏辭免

皇上幸憐而許之無何而有雲南朝鮮二功加
恩于臣臣五疏辭免
皇上又憐而許之封章稠濁

九重之睿觀
批荅勤倦費

十行之清思誠知多言之為瀆惟心謂其無可受
耳今鎮番等功非能加于府江雲南朝鮮之上
不可受于昔庸可受于今哉計功行賞權在

明主量功受賞臣當自權若緣

體貌輔弼之

盛心而遂行因循攫取之私計今天下謂此一賞者
非展布四體之賞乃依托股肱之賞適彰其老
不知止為朝廷羞甚大罪矣懇望

皇上以功衡賞收還

誤恩既無冒濫之譏并免再三之瀆

朝廷之政體不壞而愚臣之素心亦明

高天象地之恩至無量也臣無任瀝懇待

命之至奉

聖旨朕嘉甘肅等處大提卿為元輔股肱運籌帷幄
殫竭忠誠調燮贊襄勲勞茂著累功寔為異典卿
宜祇遵成命慎勿遜辭該部知道

是日大學士沈一貫

題先該臣以琉璃河橋碑文恭請

命官撰述四月初二日奉

聖旨卿可撰述來行欽此臣于本月十八日謹欽遵

撰完錄呈

御覽但疎淺不文無能掄揚

盛美恭候

聖明裁訓施行昨日管工內監何江行文取始知
御前未發臣謹再錄一通恭進伏乞
覽定批發幸甚臣謹具題

知奉

聖旨是

是日大學士朱賡

奏為新任無功

殊恩非分再懇

聖慈准容辭免以明臣職事頃蒙

皇上叙錄甘肅鎮番等處功次

推恩閣臣加臣太子少保廕一子入監讀書給與應
得

詔命賞銀四十兩綵段二表裏臣不勝驚惕即同首
臣一貫合疏控辭奉

聖旨甘肅鎮番等處屢捷殊常朕心嘉悅卿等運籌
帷幄協贊勳勳加恩示爵原係曩典宜遵成命不
允所辭該部知道欽此

誦
綸音益加惶恐伏思邊功不叙閣臣例也而有時乎
叙閣臣不受邊賞亦例也而有時乎受則皆有
說焉或以居中運籌寔參

機務或以協襄年久積有勤勞有一于此則賞非濫
施受非過分即不拘例可也而臣則異是矣臣
自去年十月恭聞

召命今年四月始入京師考徵外成功之期則至在
事後未展一籌計入直辦事之日則自夏徂秋
才及三月茲者偶逢勘叙欣觀厥成視前所稱
實無一有可與當軸者同日論功久勞者一
體議賞况宮保非勳勞不受

諾廕非考最不予而遽施于初任則如何于久任聞
以內事臣尚未能贊理萬一而先蒙闡外之賞

人其謂何此非臣之榮也乃辱之招也語云辱
莫大于不知耻若覲顏拜

賜無耻甚矣矣必違身辱莫大焉在

皇上賞疑從重誠為包含溥徧之至仁在臣自揣至
輕何叨越分超恒之誤賞感啣則極辭避非虛

伏望

皇上俯鑒愚衷即收

成命將陞廕

誥命等恩悉准辭免使臣得以面施於百僚之間則
所以榮臣者至矣矣臣無任懇切感激之至奉